

## **Cofnodion Cyngor Bro Trelech a'r Betws Community Council Minutes**

Cynhaliwyd cyfarfod ar nos Lun yr 8fed o Fai 2023 am 8.40yh yng Nghanolfan Gymunedol Alma.

**Cynghorwyr yn bresennol:** Derrick Harries (Cadeirydd), Andrew Jones, Dyfed Davies, Linda Davies, Ambrose Lewis, Alyson Harries, John Phillips & Cynghorydd Sir Jean Lewis.

**Yn cymryd y Cofnodion:** Liza Jones (clerc)

1. **Ymddiheuriadau:** Derbyniwyd ymddiheuriadau wrth Ann Sillars, Eirian Howells & Arwyn Jones.
2. **Sylwadau'r Cadeirydd:**  
Diolchodd Derrick Harries i bawb am fynychu.
3. **Datgan Buddiannau:**  
Byddai'r Cynghorydd Sir Jean Lewis yn gadael y cyfarfod pan byddai materion Cynllunio yn cael eu trafod.
4. **Cadarnhau Cofnodion y cyfarfod blaenorol:**  
Roedd cofnodion y cyfarfod o'r 6ed o Fawrth 2023 wedi eu dosbarthu i'r Cynghorwyr cyn y cyfarfod. Cytunwyd bod y cofnodion yn gywir ac fe'u llofnodwyd.
5. **Trafod materion sy'n codi o'r cofnodion:**
  - Mesurau Tawelu Traffig yn Trelech – roedd y data a dderbyniwyd yn dangos fod y cyfartaledd cyflymder wedi gostwng o 25.7mya i 24.2mya. Gofynwyd i'r Cynghorydd Sir Jean Lewis siarad gyda'r Adran Tawelu Traffig i weld a oedd unthyw beth pellach a fedrai cael ei wneud.
  - Lefelau Amonia – Nid oedd unrhyw ateb wedi dod hyd yn hyn.
  - Glaspant/Dinas – Roedd y Clerc wedi siarad gyda'r tîrfeddianwr ac roedd wedi cael cadarnhad byddai gwaith yn cael ei wneud mewn ymdrech i leihau y nifer o coed yn disgyn mewn stormydd.
  - Diffyg Llywbr troed yn Trelech – Roedd y Clerc wedi cysylltu gyda'r Cyngor Sir ac wedi derbyn ymateb yn nodi fod y cais wedi ei nodi ond nad oedd y pentref wedi cael ei gynnwys yn y Cynllun presennol.
  - Nant ger Eithinduon Uchaf – roedd y clerc wedi adrodd y pryder ond nid oedd wedi derbyn ymateb.

### **6. Gohebiaeth**

**a.** Roedd yr anfoneb wrth Cyngor Sir Caerfyrddin am £602.22 am gost goleuadau stryd wedi cael ei dalu cyn diwedd y flwyddyn ariannol yn unol â'r cytundeb a dderbyniwyd drwy ebost wrth y Cynghorwyr.

**b.** Rhannwyd wybodaeth wrth Fwrdd Iechyd Hywel Dda yn nodi estyniad i'r ymgynghoriad.

**c.** Roedd Archwilwyr Cymru wedi danfon anfonebau am £314 am 2020-2021 a £200 am 2021-2022. Roedd y clerc wedi gofyn am eglurhad o'r costau. Cytunwyd i dalu'r ddwy anfoneb.

**d.** Roedd Cyngor Sir Caerfyrddin wedi danfon anfoneb am £161.66 am gosatu etholiadol. Cytunwyd i'w dalu.

**e.** Cais Cynllunio PL/05687 – estyniad/haulfan @ Iet Fawr, Trelech

**f.** Roedd cwyn wedi dod am gyflwr y llwybrau cyhoeddus ym Mhenybont wrth Alan Richards. Roedd y clerc wedi cysylltu gyda'r Cyngor Sir i weld pwy oedd yn gyfrifol am gynnal a chadw y llwybrau ac roedd wedi derbyn cadarnhad nad cyfrifoldeb y Cyngir Cymuned oedd. Rhannodd y clerc y manylion ac y lluniau gyda'r Cynghorwyr.

g. Roedd y cyfrifwyr DMB Davies wedi danfon anfoneb am £384 yn cynnwys TAW. Cytunwyd i'w dalu.

**7.Cyllid** - Cyfrif Busnes Cyfredol £1,240.76

### **8. Unrhyw Fater Arall**

- Nododd y clerc ei bod wedi gwneud cais am ad-daliad TAW o £1,240.76.
- Gofynnodd y clerc am ganiatad casglu'r hen llyfrau cofnodion yn cael eu dal mewn gofal diogel gyda'r Cyfriethiwr er mwyn cadarnhau manylion. Cytunwyd iddi eu casglu.
- Codwyd pryder am gyflwr yr heol rhwng Neuadd Wen a Man Iwan, Treparcau, Brynawel i Pandy ac roedd draen rhwng yr Hen Ficerdy a Brynteilo heb gael ei lanhau ers dwy flynedd yn achosi dŵr i or-lifo dros yr heol ac achosi erydiad.
- Codwyd pryder hefyd am or-dyfiant coed ger Derlwyn, Trelech gan achosi rhwystr.
- Roedd y Cynghorydd Sir Jean Lewis wedi derbyn cwynion am ddifrod a achoswyd gan lori artic ger Gelli. Gan fod y gyrrwr o dramor, awgrymwyd i roi arwyddion a oedd yn nodi fod yr heol yn anaddas ar gyfer cerbydau mawr mewn ffyrf llun i osgoi unrhyw problemau posib yn y dyfodol.

Gan nad oedd unrhyw fater arall, diolchodd y Cadeirydd pawb a chaëwyd y cyfarfod am 9.25yh.